

Leg. XVIII. Tit. XXIII. Partit. III. () At jure Canonico licet omissis mediis immediate ad Summum Pontificem adpellare: Cap. 7. et 54. hoc Tit. Cap. fin. de Foro Competenti. Quod de jure Canónico novissimo intelligasi aliud enim obtinebat jure Canonico antiquo, uti nuper explicavimus. (**) In Hispania verò non probatur similis adpellatio juxta decreta Trident. Sess. XXII. Ref. cap. 7. et Innocent. XI. in Bulla Apostolici Ministerii, quorum observantiam Episcopis injunxit Supr. Castell. Senat. suis litteris Encyclic. die 26. Novemb. an. 1767. iteratis an. 1778. (*)*

ARTICULUS III.

QUIBUSNAM, ET QUIBUS IN CAUSIS JUS ADPELLANDI DENEGETUR.

*XXXV. Ac 1. Adpellatio non recipitur, quum vel generalis sit, qua scilicet quis provocet ab omni causa, que contra ipsum moveri possit: Cap. 2. et 18. hoc Tit. vel incerta, qua scilicet quis absolute dicat *Adpello*, nec explicet, num e. g. ad Metropolitanum, an vero *omisso medio* ad Papam adpellet. (**) Alijs verò placet, non requiri, signanter nōmen Judicis ad quem exprimere, sed sat esse, quod adpellans dicat: *Adpello ad Superiorem*. Quamobrem stylus utriusque Fori apud Hispanos hanc clausulam in libello adpellationis invexit: *Adpello ad N. vel ad quem jure possum, et debeo: quod probabit Alphonsus Sap. Leg. XXII. Tit. XXIII. Partit. III. (*)**

*Neque 2. auditur, qui pro alio adpellat, nisi forte id præstet pro reo, qui ultime suppicio adficiendus sit: hoc enim casu licet cuiuscum etiam Clerico, ac Monacho adpellationem interponere: Leg. VI. Dig. hoc Tit. et Leg. VI. Cod. de Episc. ou- dientia. (**) Id etiam juris obtinebat quondam in Hispania Leg. VI. ejusd. Tit. et Partit. Sed hodie sic adpellans, certe non audiretur. (*)*

*Adpellare 3. vetantur, qui ob contumacem absentiam damnati sunt: Leg. I. Cod. Quorum adpellat. Leg. XIII. §. 4. Cod. de Judiciis, et Leg. XXIII. §. 3. Dig. hoc Tit. (**) et Leg. IX. Tit. XXIII. Partit. III. (*)*

*Idem 4. de Notoriis constitutas, in quibus plerūque ad pœnæ illationem differendam adpellatur: Cap. 5. §. 2. et Cap. 13. hoc Tit. (**) (MXX)*

*Rejicitur 5. Adpellatio Regularium, quos Abbas correxerit, levibusque legitimis pœnis multaverit: Cap. 3. hoc Tit. (**) Qua de re Carolus II. Sanct. IV. cap. 35. Tit. I. Lib. IV. vulgo *Autos Acordados*, in Apostolici Nuntii Tribunal adpellationes Regularium ab iis, quæ ad disciplinam *intra claustra Superiores* precipiunt, non esse admittendas, decrevit. (*)*

Tum 6. Officialium, quos ob male gestum suum munus proprius Judex damnavit: Leg. III. Cod. Quorum adpellationes.

*(**) Neque 7. atrociorum criminum reis, conceditur adpellatio, veluti latronibus publicis, monetariis, virginum, et viduarum raptoribus: Leg. XVI. eod. Tit. et Partit. (*)*

*Postremo à sententia Principis adpellari nequit, quippe qui Superiorem, ad quem provocetur, non agnoscat: Leg. I. §. 1. Dig. a quibus adpellare non licet. (**) et eadem adducta ratione Alphonsus noster in Leg. XVII. ejusd. (*) Unde Jure ordinario à sententiis Summorum Pontificum, aut Supremorum Tribunali denegatur Adpellatio, sed dumtaxat ad eosdem conceditur reclamatio. (**) seu communī nostro loquendi more *Supplicatio: tot. Tit. XIX. Lib. IV. Nov. Recop. (*)**

XXXVI. Illud denique hic non abs re observandum, à sententia ipso jure

*nulla necessum non esse adpellationem interponi, sed satis esse ad impedijendam ejusmodi sententiæ execucionem promtam nullitatis probationem: Leg. I. et pas- sim. Cod. Quando provoc. non est necesse, (**) et Leg. IV. Tit. XXVI. Partit. III. Hispaniarum Jure sexaginta dies à prolata sententia ad exponendam nullitatis exceptionem dumtaxat conceduntur: Leg. II. Tit. XVII. Lib. IV. Nov. Re- cop. (*)*

CAPUT DECIMUM QUINTUM.

DE DELICTIS ECCLESIASTICIS GENERATIM.

*I. Gravissima inter viros doctos jamdiu agitata quæstio, nec adhuc definita ea est; nimur quænam antiquis ecclesiastical crima fuerint, eo scilicet intuitu, quo censuris aliisve Ecclesiasticis pœnis puniri consueverint. Alii quidem existimant, ejusmodi crima non nisi tria fuisse, nimur Idolatriam, Homicidium, et Mœchiam; atque his, aliasque precipuis, quæ ad haec tria reduci possunt, veterem omnem de censuris, publicate pœnitentia disciplinam adstringunt: Nat. Alex. Hist. Eccles. III. Sac. Diss. VI. q. 1. eo præsentim innixi fundamento, quod ve- teres Patres, et Episcopi tum in Synodis sanctis Canonibus, tum in suis operibus crima Judicaria Ecclesiæ potestati subjecta recensentes, nonnisi horum memini- sisse videantur. (**) At contra alii antiquam Ecclesiæ disciplinam hoc in capite ad omnia grandia crimina extendunt, quæ contra universum Decalogum, sive Divinam moralem legem committuntur; quam sententiam tum pluribus argumentis firmatam contendunt, tum vel maximè Augustini auctoritate Hom. ult. ex L. cap. 3. ubi tum eorum rejicit opinionem, qui censebant tria tantummodo crima mortifera esse excommunicatione punienda, donec pœnitentia humiliore sanentur; impuditiam, idolatriam, homicidium, tum paucis interjectis haec habet: Tertia actio est pœnitentia, quæ pro illis peccatis subeunda est, quæ legis Decalogum continet: et de quibus Apostolus ait: Qui talia agunt, Regnum Dei non possidebunt. In nostris Christianis Antiquitatibus fusius hac de re agemus, nostramque dabimus senten- tiam, qua distinguentes inter sollemnem, sive canonicam, et publicam peniten- tiam, quænam utrique obnoxia fuerint crima, separati explicabimus.*

III. Hic tantummodum animadvertere juvat, quod alibi jam indicavimus, sci- licet ad seculum usque XII. nullam in Ecclesiæ distinctionem agnitam fori interni ab externo: unde per ea tempora tametsi Episcopi in omnia sive publica, sive oc- culta, non Clericorum modo, verum et Laicorum crima inquirent, atque in delinquentes veluti processus conficerent, testes audiendo, sententiam pronunciando ac legitimam pœnam imponendo; haec tamen omnia non peragebant, nisi respectu habito ad forum spirituale, sive Sacramentum Pœnitentie, uti late ostendit Morinus de Administr. Sacrae Pœnitentie Lib. I. cap. 9. et 10. (MXX)

IV. Et sane 1. omnes Ecclesiastice pœnæ per ea tempora non ad vindictam imponebantur, sed unice ad ipsius peccatoris cum Deo reconciliationem. 2. Non aliud erat tribunal, in quo censura ligatus exolvebatur, et pœnitens à peccato absolvebatur, sed unus, idemque Episcopus, vel Presbyter utrumque simul præstabat. Et licet 3. circa seculum VII. disciplina invaluerit, ut publica crima Episcopis, eorumve specialibus Delegatis reservata essent, occulta verò quibuslibet Presbyteris: unde veluti forum externum ab interno distinctum inducitum tunc temporis videretur, adhuc tamen omnia ad Sacramenti Pœnitentie administra-

nem, peccatorumque reconciliationem unice pertinebant. Neque 4. per eadem tempora distinctio occurrit inter delicta mere Ecclesiastica, et Civilia; ita ut de illis in foro interno, de istis vero in externo Episcopus cognosceret: sed in utraque aequie inquirebat, in delinquentes legitimis penis animadvertingo ad eorundem emendationem, et publici scandali averruncationem. Unde 5. quod quis in foro seculari de aliquo crimine convictus civili pena multatus esset, id impedimento non erat, cur ab Episcopo ecclesiasticis penis non puniretur: quum non unus, idemque fori Ecclesiastici, et civilis finis esset. Vetus enim Ecclesiae disciplina Penitentiam ut medicinam considerabat, peccatorem ut aegrotum: quem Episcopi punitum quidem propter crimen pena Civili censebant, non autem sanatum. Christiana tantum penitentia eum vere sanare, ac vulnera per peccatum inficta obducere credebatur. Vides Morinum *ibidem*, et *Lib. VII. cap. 5.*

V. Jam vero circa seculum XII. inducto fori interni ab externo, et contentioso discrimine, strepitique forensi in Episcopale tribunal invecto, ob generalem illam modo explicatam Episcoporum in omnia crima jurisdictionem, omnes etiam civiles Laicorum caussas, in quibus de peccato aliqua videretur esse questio, ad suum contentiosum forum Episcopi pertrahere adressi sunt: *Cap. 13. de Judiciis*; et quidem ea de ratione, quam in *idem Caput* indicat *Glossa*: scilicet *Tanquam ratione peccati, et inducendo ad penitentiam.*

VI. Quum vero temporis progressu in Tribunali Ecclesiastico de criminibus, non amplius ratione Sacramentali ab Episcopis, vel eorum Officialibus cognoscetur, neque poenae canonicae per modum medicinæ spiritualis infligerentur, sed methodo omnino forensi, et ad vindictam pecuniariam, vel corporalem; hinc pedetentim à Principibus secularibus ejusmodi recens inducta Episcopalis jurisdictione decurtata est, scilicet, ut reservata foro Ecclesiastico Sacramentali peccati confessione, et absolutione à Sacerdote virtute clavium obtainenda; tum et Clericorum caussis, merisque etiam Laicorum Ecclesiasticis delictis foro Episcopali attributis, reliquæ civiles, ac criminales Laicorum caussæ, atque etiam peculiaria quædam Clericorum delicta foro seculari adscripta sint: id quod latè *Tit. V. et VI. hoc Lib. explicavimus.*

VII. Igitur ex nova Ecclesiae disciplina crima trifaria dispescuntur, scilicet ut alia sint mere Ecclesiastica, alia Civilia, et alia Mixta. Primi generis sunt, quæ admittuntur contra Fidem, Religionem, Sacraenta, easque morum regulas, quas jus civile non curat, uti Hæresis, Apostasia, Schisma, Profanatio Sacramentorum &c. Civilia sunt, quæ adficiunt Remp. uti Homicidium, Furtum, Rapina &c. Mixta vero, quæ tam Religionem, quam Remp. offendunt, uti Sacilegium, Adulterium, Blasphemia non hæreticallis &c. Porro Ecclesiasticorum criminum solus Ecclesiasticus Judex cognitionem habet, civilium Judex civilis, mixtorum vero uterque per præventionem: *Cap. 8. de Foro Competenti.* Nos præcipuas tantum hic criminum Ecclesiasticorum species recensemus, ac pro instituti nostri modo enarrabimus, tum quoque penas eadem comitentes indicabimus.

CAPUT DECIMUM SEXTUM.

DE DELICTIS ECCLESIASTICIS SPECIATIM.

De Hæresi.

I. A *Hæresis* est à Græco verbo, quod forte primaria sua notione denotat *eligo*. Unde *hæresis* idem est ac *electio*: et speciatim *electio dogmatis*, atque ipsum

dogma. Unde Cicero de Catone Stoico: *Est in ea hæresi, inquit, quæ nullum sequitur orationis florem. Christianis hæresis est dogma adversans principiis religionis christianaæ.* Nam horum tantummodo habitus efficit Christianum: at conclusionum habitus non simpliciter Christianum, sed Theologum efficit. Vossius in voce *Hæreo*.

II. Hæresis definiri potest: *Voluntarius error intellectus in Fide, cum pertinacia voluntatis.* Ut igitur quis hæreticus dici possit, satis non est, ut errorem aliquem evomat, sed necessum est, ut falso alicui sententia, sive falso dogmati, quod Christianæ fidei contraire noverit, sciens, prudensque adhæreat. Illustra hujus rei exemplum habemus in controversia de validitate Baptismi ab hæreticis collati, quæ medio saeculo III. in Ecclesia exarsit inter S. Cyprianum, ac Firmilianum, et S. Stephanum Rom. Pontificem. Cyprianus enim, et Firmilianus cum suis Episcopis, etiam in Synodis coactis, mordicus defendebant, baptismum ab hæreticis collatum esse invalidum, ac proinde eos, qui foris tincti, hoc est baptizati essent, et apud Hæreticos Schismaticos profanæ aquæ labe, ut inquietabat, maculati essent, quando ad Catholicos, atque ad Ecclesiam, quæ una est, venerint, baptizandos esse. Atqui Cyprianus, Firmilianus, aliqui ita sentientes nunquam, ut hæretici, in Ecclesia audierunt. Licet enim sententiam tuerentur divinæ, ac Apostolicæ Traditioni contrariam, attamen, quia Catholicæ Ecclesia nondum in ea controversia definierat, quid Apostolica haberet Traditione, quidque ex Traditione illa tenendum, et credendum esset, ab omni hæreseos, ac schismatis labe imunes eos fuisse nullus unquam vel subdubitavit. Ad rem S. Augustinus de Cypriano *Lib. I. de Unico Baptismo cap. 18.* *Quod ergo ille vir Sanctus de Baptismo aliter sentiens, quam se res habebat, quæ postea pertractata, et diligentissima consideratione firmata est, in catholicæ unitate permansit, et charitatis ubertate compensatum est, et passionis falce purgatum.*

III. Nemo ut hæreticus damnandus, nisi qui manifesto aliquo externo signo semet hæreticum prodat ex Leg. Arcadii *XXX. Cod. Theod. de Hæreticis.* Et Leg. *XXVIII. Cod. Theod. eodem Tit.* ii inflictis contra hæreticos penis obnoxii declarantur, qui *vel levi argumento a judicio Catholicæ religionis, et tramite detecti fuerint deviare.* Haud raro enim usuvenit, ut quis, licet alioquin maximè Catholicus, tanquam hæreticus habeatur ex falso dumtaxat rumore, ac vagis, inertisque accusationibus. Quia in re antiquitus viri etiam sanctitate, ac doctrina clarissimi decepti sunt, uti S. Epiphanius, qui in S. Jo. Chrysostomum non modò male animatus vehementer fuit; verum et cum ipso communicare noluit, quod ut hæreticos non exhorruit, quos ipse errore præventus hæresi dampnaverat: *quum Chrysostomus ante causam cognitionem hæc facere haudquam justum esse diceret:* Sozomenus *Lib. VIII. cap. 14.*

IV. Quod vero in modo indicata Lege Arcadius dicit, *vel levi argumento*, nemmo indè inferat vel levem hæreseos suspicionem penis sive ecclesiasticis, sive imperialibus aliquem obnoxium reddere. Namque uti erudite demonstrat Jo. Gothofredus in eandem legem, *Argumentum ibi non levem suspicionem, non conjecturam, non indicium nudum significat; neque certam probationem, rationemque rei dubiae fidem facientem; sed quamcumque propositionem, titulum, fideique articulum denotat.* Ac proinde illa *vel levi argumento* jungenda sunt non cum voce *detecti*, verum cum voce *deviare*. Unde jam manifestum levi argumento deviare à judicio Catholicæ Religionis, et tramite, idem valere, atque deviare *vel in levissimo articulo, et propositione fidei, et hæreticam propositionem tueri, quantumcunque ea levis videatur.* Igitur verba illa *vel levi* pertinent non ad levitatem